



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080174062825319

№ 4047

07 / ოქტომბერი /
2019 წ.

ი.მ. დავით მაკასარაშვილის შავ სიაში დარეგისტრირების შესახებ

შემსყიდველი ორგანიზაცია: ააიპ „საჩხერის გაერთიანებული საბავშვო ბაღი“;

ტენდერის ნომერი: SPA180009505;

შესყიდვის ობიექტი: 15100000 – ცხოველური წარმოშობის პროდუქტები, ხორცი და ხორცის პროდუქტები;

მიმწოდებელი: ი.მ. დავით მაკასარაშვილი (პირადი №38001008677);

წერილობითი შეტყობინების საფუძველი: სახელმწიფო შესყიდვის შესახებ ხელშეკრულებით ნაკისრი ვალდებულებების არაჯეროვანი შესრულება.

აღწერილობითი ნაწილი

1. ადმინისტრაციული წარმოების დაწყება

1.1. სახელმწიფო შესყიდვების სააგენტოში 2019 წლის 6 და 19 აგვისტოს წარმოდგენილ იქნა ააიპ „საჩხერის გაერთიანებული საბავშვო ბაღის“ 2019 წლის 6 აგვისტოს №92 წერილობითი შეტყობინება (რეგისტრაციის №8525) და 2019 წლის 19 აგვისტოს №94 დაბუსტებული წერილობითი შეტყობინება (რეგისტრაციის №8936), რომლებითაც სააგენტოს ეცნობა ი.მ. დავით მაკასარაშვილის (პირადი №38001008677) მიერ SPA180009505 ელექტრონული ტენდერის საშუალებით დადებული 2018 წლის 28 დეკემბრის №2 სახელმწიფო შესყიდვის შესახებ ხელშეკრულებით ნაკისრი ვალდებულებების არაჯეროვანი შესრულების თაობაზე.

1.2. მიმწოდებელს სააგენტომ, სახელმწიფო შესყიდვების ერთიან ელექტრონულ სისტემაში მის პროფილში მითითებული ელექტრონული ფოსტის მისამართის davitmakasarashvili82@gmail.com მეშვეობით, 2019 წლის 26 აგვისტოს №3343 წერილით აცნობა შემსყიდველი ორგანიზაციის შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე წერილობითი განმარტების წარმოდგენა. მიმწოდებელს განმარტება არ წარმოუდგენია.

2. შემსყიდველი ორგანიზაციის პოზიცია

შემსყიდველი ორგანიზაციის წერილობითი შეტყობინების თანახმად, მიმწოდებელმა არაჯეროვნად შეასრულა 2018 წლის 28 დეკემბრის №2 სახელმწიფო შესყიდვის შესახებ ხელშეკრულებით ნაკისრი ვალდებულებები. შესაბამისად, შემსყიდველი ორგანიზაციის 2019 წლის 6 აგვისტოს №91 წერილით, მიმწოდებელს ეცნობა ხელშეკრულების შეწყვეტისა და პირგასამტეხლოს დაკისრების შესახებ.

3. მიმწოდებლის პოზიცია

ადმინისტრაციული წარმოების ფარგლებში მიმწოდებელს განმარტება არ წარმოუდგენია.

4. სააგენტოს მიერ დადგენილი გარემოებები

4.1. 2018 წლის 13 დეკემბერს ააიპ „საჩხერის გაერთიანებულმა საბავშვო ბაღმა“ გამოაცხადა SPA180009505 ელექტრონული ტენდერი ცხოველური წარმოშობის პროდუქტების, ხორცისა და ხორცის პროდუქტების

(CPV15100000) შესყიდვის მიზნით.

4.2. სატენდერო კომისიის 2018 წლის 24 დეკემბრის № 2 სხდომის ოქმით, ტენდერში გამარჯვებულად გამოვლინდა ი.მ. დავით მაკასარაშვილი (პირადი № 38001008677) და ამავე სხდომის ოქმით, იგი მიწვეულ იქნა სახელმწიფო შესყიდვის შესახებ ხელშეკრულების გასაფორმებლად.

4.3. 2018 წლის 28 დეკემბერს მხარეთა შორის გაფორმდა № 2 სახელმწიფო შესყიდვის შესახებ ხელშეკრულება, რომლის თანახმად, მიმწოდებელს ხელშეკრულების გაფორმებიდან 2019 წლის 31 დეკემბრამდე, შემსყიდველი ორგანიზაციისთვის უნდა მიენოდებინა ხელშეკრულებით გათვალისწინებული საქონელი. ხელშეკრულების ღირებულებად განისაზღვრა 79 200 ლარი, ხოლო მოქმედების ვადად – 2020 წლის 31 იანვარი.

4.4. მიმწოდებელმა 2019 წლის 6 აგვისტოს № 2 წერილით, შემსყიდველ ორგანიზაციას აცნობა, რომ იგი ვეღარ ახერხებდა ხელშეკრულებით ნაკისრი ვალდებულებების შესრულებას, რამდენადაც გაზრდილი იყო ხელშეკრულებით გათვალისწინებული პროდუქტის ფასი და მიმწოდებელს უწევდა გაუთვალისწინებელი ხარჯების განევა. ამავე წერილით, შემსყიდველ ორგანიზაციას ეცნობა ხელშეკრულების შეწყვეტის შესახებ.

4.5. ხელშეკრულებით ნაკისრი ვალდებულებების არაჯეროვანი შესრულების გამო, შემსყიდველი ორგანიზაციის 2019 წლის 6 აგვისტოს № 91 წერილით, მიმწოდებელს ეცნობა ხელშეკრულების შეწყვეტისა და პირგასამტეხლოს დაკისრების შესახებ.

4.6. საქმეში არსებული მიღება-ჩაბარების აქტების თანახმად, მიმწოდებელმა შეასრულა 34 074 ლარის ღირებულების ვალდებულებები, რაც ხელშეკრულების მოცულობის 43%-ს შეადგენს.

სამოტივაციო ნაწილი

5. შემაჯამებელი დასკვნა

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ ი.მ. დავით მაკასარაშვილი უნდა დარეგისტრირდეს შავ სიაში.

6. გამოყენებული სამართლებრივი აქტები

სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

7. სამართლებრივი შეფასება

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის მე-4 პუნქტის „ბ“ ქვეპუნქტის თანახმად, სახელმწიფო შესყიდვის ნებისმიერი საშუალებით განხორციელებისას, გარდა კონსოლიდირებული ტენდერისა, პრეტენდენტის/მიმწოდებლის შავ სიაში დარეგისტრირების საფუძველია, თუ მიმწოდებელმა ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები. იმავდროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე ადრე იყოს შეწყვეტილი.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/მიმწოდებლის გაფრთხილების ან შავ სიაში დარეგისტრირების შესახებ.

7.3. მოცემულ შემთხვევაში, დგინდება, რომ მიმწოდებელმა არაჯეროვნად, კერძოდ, არასრულად შეასრულა 2018 წლის 28 დეკემბრის № 2 სახელმწიფო შესყიდვის შესახებ ხელშეკრულებით ნაკისრი ვალდებულებები. ამასთან, სააგენტო ყურადღებას ამახვილებს მიმწოდებლის 2019 წლის 6 აგვისტოს № 2 წერილში მითითებულ გარემოებაზე იმასთან დაკავშირებით, რომ იგი ვეღარ ახერხებდა ხელშეკრულებით ნაკისრი ვალდებულებების შესრულებას, რამდენადაც გაზრდილი იყო ხელშეკრულებით გათვალისწინებული პროდუქტის ფასი და მიმწოდებელს უწევდა გაუთვალისწინებელი ხარჯების განევა. სააგენტო განმარტავს, რომ მიმწოდებელს არ წარმოუდგენია აღნიშნულის დამადასტურებელი დოკუმენტაცია და შესაბამისად, ვერ დგინდება მისი პასუხისმგებლობის გამომრიცხავი გარემოების არსებობა. ამდენად, მოცემული მსჯელობის შედეგად, სააგენტო მიიჩნევს, რომ არსებობს მიმწოდებლის გაფრთხილების ან შავ სიაში დარეგისტრირების საფუძველი.

7.4. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის

სიმძიმეს, პრეტენდენტის/მიმწოდებლის მანამდე მიღებული გაფრთხილების თუ შავ სიაში რეგისტრაციის ფაქტ(ებ)ს, მისი სახელმწიფო შესყიდვებში მონაწილეობის აქტივობას.

7.5. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტის თანახმად, შავ სიაში დარეგისტრირების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი ინფორმაცია სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს და არ არის სახეზე შავ სიაში დარეგისტრირებაზე უარის თქმის ან გაფრთხილების საფუძველი.


7.6. სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. ამასთან, სახეზეა მიმწოდებლის შავ სიაში დარეგისტრირების წინაპირობა და არ არსებობს მისი შავ სიაში დარეგისტრირებაზე უარის თქმის ან გაფრთხილების საფუძველი, რადგან მიმწოდებელმა არაჯეროვნად შეასრულა სახელმწიფო შესყიდვის შესახებ ხელშეკრულებით ნაკისრი ვალდებულებები, კერძოდ, მან შემსყიდველ ორგანიზაციას არასრულად მიაწოდა ხელშეკრულებით გათვალისწინებული საქონელი (შესრულებულია ხელშეკრულების მოცულობის 43%). შესაბამისად, არსებული დარღვევის გათვალისწინებით, ი.მ. დავით მაკასარაშვილი უნდა დარეგისტრირდეს შავ სიაში.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტით და დაადგინა:

1. ი.მ. დავით მაკასარაშვილი (პირადი №38001008677) 2019 წლის 8 ოქტომბერს დარეგისტრირდეს შავ სიაში.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, №6), კანონმდებლობით დადგენილი წესით.

თავმჯდომარე



ლევან რაზმაძე